毛

詩

紬

義

有傳養本同而正義强分之者有傳養本異而正義强 毛詩曲義 或不從而後人概從集注定本者若斯之類每欲條而 載釋文而正義誤脫者有以養作傳正義初不誤而後 合之者有誤釋傳簽義者有漏釋傳簽義者有傳簽義 詩正義成於衆手疏略時形其後屢經校刊淆訛彌甚 錄之牽于世故卒卒未遑歲癸未以芸臺尚書薦主講 東官陳子葟臣執詩疏詩業乃琴川毛氏汲古閣本也 人羼入并割裂正義以歷之者有集注定本正義或從 因就愚管所及釉出辨正勒成此編經典序錄載毛詩

淵源所漸又不僅如陸氏所稱何哉夫大毛公魯人也 于周服綿未有家室板無然泄泄用孟子為說者八其 | 躬不閱遑恤我後北山我從事獨賢文王不顯亦世侯 如磨抑淑慎爾止並用大學旱麓萬飛戾天魚躍于淵 然予觀傳木瓜永以爲好引孔子無衣王于興師七月 用中庸而七月遵彼微行小弁何辜于天我罪伊何我 傳授一由子夏高行子薛倉子帛妙子而至大毛公一 而與孟子孫卿子同時篇義雖受於蘭陵詁訓實傳於 取彼狐貍抑靡哲不愚並用論語淇澳如切如磋如琢 由子夏曾申李克孟仲子根牟子孫卿子而至大毛公

蓋知其別有師承晚學咫聞不能悉通其義憤悱之積 時貢疑焉至紫陽說詩大旨本於思無邪使人各得其 恒引爾正以說之及箋詩見毛傳乃無隻字引爾正者 君作說文解字詁字引毛傳而不引爾正鄭君注三禮 **鄒**嶧去聖未遠目染耳播固宜其書之博而篤也昔許 所不敢做第明傳箋之本義還孔氏之舊文藏之家塾 寶安講院之雙桐軒 道光丁亥又五月大暑前三日嘉應李黼平書於東莞 性情之正此自是道學中人議論必算漢學以難朱儒 聊為子弟釋其癥結焉爾 三十月日 一一一一

毛詩紬義目錄 大田 本 charter three in 周南 王 召南

17 三百名本事

幽

臣寺由度 一月 卷十一 卷十三 卷十二 卷十五 卷十四 節南山之什 谷風之什 鴻雁之什 南有嘉魚之什 鹿鳴之什

卷十六 魚藻之什 甫田之什

卷十七大正

文王之什上

卷十八 文王之什下

卷十九

卷二十

生民之什

卷二十二周頌 卷二十一 卷二十三 蕩之什下 清廟之什 臣工之什 荡之什上 閔予小子之什

駒之什 那之什卷二十四叠颈 商項

三詩納義 人卷一 毛詩詁訓傳正義有二說一云毛以爾正之作多為釋 毛詩紬義卷一 定本作故以詩云古訓是式毛傳云古故也則故訓 詩而篇有釋詁釋訓故依爾正訓而爲詩立傳一云 者故昔典訓依故昔典訓而爲傳義或當然按毛傳 釋訓許不稱爾正而稱詩日卽指詩傳猶吳字引詩 故言也詩日詁訓全詩無詁訓之句惟爾正有釋詁 日不醉而怒謂之吳也許釋詁訓爲故言與毛分章 不見于爾正者多矣不得謂全依爾正說文云詁訓 嘉應李黼平繡子著

窈窕淑女正義以毛同于鄭淑女爲宮人特以次章后 序關雎后妃之德也下箋云關雎舊解至無所疑亂故 國風周南 聲成文謂之音下始有箋觀正義于前兩處不釋箋 為故言亦合然則詁訓是故昔典訓正義後說近是 處箋云皆陸氏釋文註語汲古閣正義本誤作箋也 也用之邦國焉下箋云風之始至並是此義以上兩 如已供荇菜不得復言求之耳按毛傳云后如有關 可知校刻註疏者當正之 關雎

君子好逑箋怨耦日仇依鄭破字之例當云述當作仇 此淑女所以當寤寐求之也若云宮人則已窈窕然 **箋不言者知鄭本作仇傳云述匹也冤宜好仇無傳** 處深宮矣尚何求之不得乎匡衡云后夫人之行不 淑女方指太姒言后如必有關雎之德乃能共荇菜 雎之德乃能共荇菜備庶物以事宗廟是泛論后妃 侔乎天地云云亦是泛論后夫人與毛正同 仇說文述字註引怨匹日述是仇逑本通 知毛此章亦作仇故下不復發傳也釋文云本亦作 葛 單

害澣害否歸寧父母傳曷何也私服宜澣公服宜否章 三部級第 是刈是獲傳獲煮之也正義日釋訓云是刈是獲獲煮 安也父母在則有時歸寕耳釋文害澣戸葛反下同 傳方有之也一例玉篇云濩煑也已不从孫郭義矣 **楚云雨流雷下則獲為浸漬淋漓之兒與淪字意同** 毛意蓋謂浸漬而養故云濩煮之與鹊巢維鳩方之 已訓取無緣獲獨為器釋文引韓詩云獲瀹也說文 那疏引郭云煮之于鑊如孫郭言則獲是器名按刈 以爲締給以煮之于獲故日獲養非訓獲爲煮爾正 之也舍人日是刈刈取之是澄煮治之孫炎日煮葛 卷一

字俱訓害則傳文爲不辭且何以不舉經害字訓之 得以何訓曷然釋文未言本亦作曷也如謂曷何一 日我思念此二子之事于行無過差有何不可而不 **曷何也如釋文及註疏本則經文害字當是曷字乃** 不瑕有害始訓害為何二子乘舟則不徑訓為何而 傳本無之矣鄭于何彼穠矣箋始訓曷爲何而泉水 也反覆推求傳箋俱不得有曷何也三字傳果有之 否乎亦不徑訓爲何與二子乘舟箋正同知箋亦不 去也此箋云我之衣服今者何所當見澣乎何所當 正義釋傳應云害曷何也爾正無文而正義不釋知

197/nJ. 1

月間 利事 傳以宜釋害初無曷何之義集韻云害與曷盍並通 足之哉孔亦以鄭義述毛故有經問傳答之譏愚謂 詞下無總結殆非文勢也豈詩人設問待毛傳答以 爾疋云盍合也合義與傳宜字義近經直言我之服 傳言私服宜澣丞服宜否則經之害澣害否乃是問 之註校書者誤羼入傳殊非毛意釋文于二子乘舟 陸望箋文爲解故云音曷何也然則此三字乃釋文 分别毛鄭此章不言毛如字陸以毛同鄭解正義日 得有此三字矣二子乘舟釋文云害毛如字鄭音曷 何也此章釋文云害戸萬反曷何也曷上當有音字

一一一一一一种 不盈頃筐傳頃筐眷屬釋文何休云艸器說文同正義 我馬虺隤箋云我我使臣也我姑酌彼金罍箋云我我 **義所譏云云也曷何也三字當行** 存合宜澣者有合宜否者傳以私服宜澣公服宜否 明之蓋以二宜字釋二害字而非有經問傳答如正 器令本必陽冰攺之也 屬蒲器也所以盛種陸孔在唐初所引說文皆云艸 云畚說文云艸器所以盛種今本說文甾部畚云斷 君也正義用箋述毛以傳我字無訓也按嗟我懷人 卷耳 第一

韻俱作池隨而叉皆別有瘦字註云馬病說交允部 此詩云我馬瘦穨陸乃得據而為說也頹當作穨 亦無他億二字如釋文則唐初說文本有寢字下引 爾正同說文作頹按今本說文方部無瘦字玉篇廣 徐呼懷反說文作瘦隤徒回反徐徒瓌反虺隫病也 故乃不長憂思耳如此亦順虺隤釋文云虺呼囘反 其餘不當有異傳言欲陟彼崔嵬山巓之上則我馬 于其還君子酌金罍之酒饗燕以勞之我維以此之 虺隤而不能升知賢臣行役勤苦亦如此矣我且欲 傳云思君子官賢人置周之列位我是后如自言矣

我僕捕矣傳捕亦病也釋文云本叉作鋪按捕與鋪通 樂只君子福履綏之箋云如妾以禮義相與和又能以 夷來鋪傳鋪病也正義謂釋詁文但彼鋪作補音義 同雨無正淪胥以鋪後漢書註引韓詩作薰胥以疽 爾正釋詁肅病也釋文云詩作鋪即謂此詩江漢准 釋文引王肅云鋪病也義亦作捕 禮樂樂其君子使爲福祿所安正義日南山有臺箋 樂是君子矣按鄭于南山有臺始訓爲是彼詩主君 云只之言是則此只亦為是此箋云樂其君子猶言 杉木

序云言若螽斯不妬忌則子孫衆多也按陸璣艸木疏 爾正舍人郭璞註均不言螽斯之性箋云凡物有陰 鼓之樂釋文云樂之音洛又音樂然則箋義非無本 蹈之手之舞之關雎鐘鼓樂之傳云德盛者宜有鐘 發明按凡言樂浴皆有樂品意孟子日樂之實樂斯 此只亦訓是非箋意也以禮樂樂其君子正義未有 子故云樂是君子此詩主后如故云樂其君子孔謂 二者樂則生矣生則惡可已也惡可已則不知足之 螽斯

毛詩紬義

卷

宜其室家傳云宜以有室家無踰時者傳指春時卽序 繩繩戒慎也揖揖會聚也蟄蟄和集也初未言螽斯 文舊音之可見者今說文徐音蜙息恭切則在鍾韻 先呂反按息弓反東韻字也先呂反語韻字也此說 釋文松栗容反許愼息弓反蝑粟居反許愼呂忱並 不妬忌孔以為同于序箋殆不然 所本也毛傳詵詵衆多也振振仁厚也薨薨衆多也 陽情欲者無不妬忌維蚣婿不耳鄭望序為說非有 蝑相居切則在魚韻不知何以易之 桃夭

毛詩納義 時之美不宜橫爲一家之人如箋疏則止據年時詩 相類同有宜其之文明據宜其為夫婦據其年盛得 傳云家人猶室家也正義右之日易傳者以其與上 孟仲子仲子師子思而子思師曾子淵源蓮矣箋易 宜字指不踰時三章宜其家人傳日一家之人盡以 為宜則指盛德所感言與大學傳引詩合毛學原于 傳有不逮秋冬之語述毛此傳亦以爲秋冬而嫁詩 卽序男女以正也傳箋俱指春時正義泥東門之楊 婚姻以時也箋云宜者謂男女年時俱當補出年字 人見桃華起興何因遠指秋冬殊非毛意毛上二章 卷一

序云后如之化也關雎之化行則莫不好德賢人衆多 |毛詩紬義 | 人卷一 意寔本關雎蓋自六國時詩義已然矣毛鄭以賢才 伏妃之所在屈原思得賢人共事楚王託之求女其 是寔事特假淑女以見意耳離騷哀高邱之無女求 也正義日以關雎求賢之事故言關雎之化行按關 意索然必如毛傳一家盡宜乃足見后如之所致也 不分男女故以后処淑女寔之詩無達詁惟學者之 又言求賢者卷耳言后如志在官人則關雎求賢亦 **睢序哀窈窕思賢才正義遊毛鄭以爲求淑女此疏 発**貿

也 得有冤而煩肅肅者布冝于此乎正義述毛同鄭非 奔走偕來或仕于朝或處于野也不然九達之道安 序言賢才衆多箋云冝兔之人鄙賤之事猶能恭敬 之道也三章中林傅云中林林中毛意謂四方賢才 則是賢才衆多毛意或不然次章中達傳云達九達 **今說文徐音子斜切與釋文同按說文宜冤密也从** 有以自得不可膠柱也釋文置子斜反說文子余反 网且聲則子余切為得
芣首

漢之廣矣詩兼江漢而以漢廣名篇江即漢也南有穆 釋文云山海經及周書王會皆云芣苢木也實似李食 之宜子出于西戎衞氏傳及許慎並同按說文苡云 **芣苡一名馬舄其實如李令人宜子 外艸以聲周書 所說在草部未甞以為木也釋文誤** 南與下南有喬木同彼喬木與厥木惟喬亦同據則 木傳云南南土也箋云南土謂荆揚之域正義云此 篇者非謂襄陽之漢乃入江後之漢也禹貢道漾至 揚如箋疏則此詩之南兼有刜揚而詩得專以漢名

||言秣其馬釋文云說文云食馬穀也今說文作餘釋文 林栗也非訓秣為栗謂秣養之以栗也養云我願秣 揚矣太白客金陵詩花開漢水春謂江爲漢也 其馬致禮餼正義云餼謂牲也昏禮不見用牲鄭以 不言說文字異經字亦當作餘傳云秣養也鴛鴦傳 之漢若在襄陽則惟荆有漢而經之南字不得兼荆 爲北江入海水經沔水亦直敘至毘陵入海皆以大 也故不可派不可方得連言之若非一水豈漢偏不 江歸之漢水詩首言漢有游女次江漢並言寔一水 可派而可方江偏不可方而可派乎故知爲入江後

ヨ言 弁 建

毛詩組義 一卷一 王室如燉傳燉火也釋文云字書作屍說文同按說文 米气聲春秋傳日齊人來氣諸侯或作疑或作像如 說文則餼乃氣之或體箋意亦言願致芻米以養馬 火部娓云火也从火尾聲詩曰王室如娓別有燰字 耳正義謂用牲恐不然 時事言之或亦宜有也按說文氣云饋客獨米也从 註引此詩日燬齊人語李巡日燬一名火孫炎日方 篇以娓爕為一字爾正釋言云燉火也與毛傳同郭 云火也外火毁聲春秋傳日衞侯燉則焜燉字別玉 汝墳

父母孔邇箋云辟此勤勞之處或時得罪父母甚近當 念之以免于害不能為疏遠者計也正義述經同毛 訓玉篇以娓爲烈火廣韻以煅爲火盛均誤 之意小雅四牡傳云思歸者私恩也靡盬者公義也 于鄭按傳但云孔甚邇近初無或時得罪當免于害 火字也此與調朝也甲狎也茁出也之例同皆非字 則火屍燉一字毛傳燉火也非以火訓燉蓋謂燉即 徐俱音許偉切音義皆同火云燉也與焜燬互訓然 語也循齊言娓音毁火也說文雖娓煅字別俱訓火 言有輕重故謂火爲燉方言云惈呼愧切火也楚轉

以此言之此詩毛意蓋謂雖則王室自當勤勞而父 以詩人見物乃起興時寔致麟故云興云信而應禮 **遂謂時寔不致麟但致公子信厚正義述經傳箋不** 禮雖衰世之公子皆信厚如麟趾之時也箋因此序 故此章言當念父母是為能勉以正也 母甚近亦當念也上章不我遐棄嫌君子爲已而返 傷悲者情思也無私思非孝子也無公義非忠臣也 別按傳云與也趾足也麟信而應禮以足至者也毛 麟趾

召南 序云鵲巢夫人之德也國君積行案功以致爵位夫人 主部維東 | 光二 **義說則太姒之來當時國人共作詩以紀之編詩時** 以夫人國君言之叉述傳云此夫人斥太姒也如正 之迎太姒未爲諸侯而言國君者召南諸侯之風故 起家而居有之德如鳩鳩乃可以配焉正義日文王 分屬周召二國之子于歸已爲太姒則關雎淑女是 云以足至不得與鄭同也 后她不得為宮人矣 巢

百兩御之傳云諸侯之子嫁于諸侯送御皆百乘釋文 **歲份屬舊歲必不作巢以冬至架之爲當正義于此** 方可云冬至加功按說文舄知太歲所在冬至前太 本或作加功正義述箋正依俗本如正義則先作巢 畧不覺異何也 **箋鵲之作巢冬至架之至春乃成釋文云架音嫁俗** 發或作迓訝本訓迎故傳云送迎以明之大雅思齊 訝說文訝云相迩也从言牙聲周禮日諸侯有卿訝 云御五嫁反本亦作訝又作迓同又云送御五嫁反 一本作迎正義述毛亦作送迎如釋文則傳經本作

W/\344.

一被之僮僮夙夜在公傳云被首飾也僮僮竦敬也夙早 首服副非被所當配孔以箋意服被視濯溉館爨耳 濯溉餢爨之事正義云夫人非正祭不服狄衣狄衣 讀為髮髮故此箋云主婦髮髮又以在公爲前夕視 也箋以被即少年之被裼又即周禮之次而被楊當 矣鄭經本作御故箋云御迎也又云家人送之良人 以御于家邦傳日御迎也此經若作御毛必先訓迚 迎之正義述箋作迓之正義誤也 7 -

非服以祭下箋云祭事畢夫人釋祭服而去髮鬄其

首服被鬄之飾裁讓作释 正如鄭孔則此祭服狄衣 按外定本為是錢意釋祭服更服髮鬄故云釋祭服 文為不詞矣 **服副之文正義述經不別非也** 威儀祁祁然而安舒無罷倦之失正義云釋祭服又 而配削祭畢釋狄衣而又服被何經文始終言被不 而髮髮若有去字則以而去屬上句髮髮其威儀箋 正義云定本云祭事畢夫人釋祭服而髮髯無去字 及副邪毛則依經為傳在事去事俱服被未嘗有 艸蟲

誰其尸之有齊季女傳古之將嫁女者必先禮之于宗 憂心忡忡傳云忡忡猶衝衝也婦人雖適人有歸宗之 **月** 語 将 章 室性用魚芼之以蘋藻箋云主設羹者季女則非禮 義箋直作衝衝按衝當作衝說交衝通道也博雅云 義謂毛意以教成之祭與禮女爲一按昏禮父禮女 也女將行父禮之而俟迎者蓋毋薦之無祭事也正 衝衝行也與毛傳歸宗之義合 又云必先禮之非嫁日事也昬義云敎成之祭牲用 而俟迎者云俟迎則嫁日之事毛云古之將嫁女者 12 和那的話 现代 序云美召伯也正義日食采文王時爲伯武王時引樂 棠之詩亦文王時事鄭答日廿棠之詩召伯自明誰 記武王伐紂五成而分陝周公左召公右以証之又 會毛意 祭以行禮故云禮之毛未嘗有禮女之意箋疏俱誤 引鄭志張逸問行露箋云當文王與紂之時謂此廿 云文王與紂之時乎謂鄭以此篇所陳巡民決訟皆 魚芼用蘋藻昬義七十子後人所作毛亦七十子後 人同記禮文彼云教成之祭此云禮之于宗室一耳 甘棠

於行露獨無疑耶行露序召伯二字當衍不則當為 之時不然張逸于甘棠疑召公在文時不得爲伯何 召公聽訟也 及之然則行露序本無召伯二字故箋謂文王與紂 之訟行露詩無召伯序雖言召伯聽訟而箋內不一 伯自明者以詩有召伯二字故箋亦云召伯聽男女 是武王伐紂之後爲伯時事然行露序亦日召伯聽 訟箋獨謂當文王與紂之時文王時召公何得爲伯 正義干此畧不發明嘗細思之鄭志言甘棠之詩召

室家不足傳云昏禮紂帛不過五兩釋文云豺帛側基 素絲五純如正義說純經總皆爲裘縫如此則一章可 作紂字正義凡云定本作某字者皆與作疏時本異 此媒氏文也又日媒氏註云純寔緇字也古緇以才 也如釋文正義則傳引媒氏文當作純後之校書者 為聲又云材帛亦緇也傳取媒氏文故合其字定本 反依字絲旁才後人遂以才為屯因作純字正義日 依釋文正義改之也釋文內豺帛正義內豺帛亦緇 一紂字皆當作純

毛詩編義 人卷一 傳日總紕于此成文干彼素絲組之傳日總以素絲 言縫殺之大小得其制總數也鄘風干旄素絲紕之 同此明素絲所在之處從裏而視之也三章傳云縫 視之也次章傳云核縫也核說文作獸玉篇作對爾 它云虫也从虫而長象冤曲垂尾形毛經文作它傳 而成組也此總卽彼傳之總言素絲組之總數五也 云它數者言素絲之飾其曲垂之數五也此從表而 **正作緘註云羔裘之縫孫炎云緎縫之界域與傳義** 不失其制釋文經本作它云本亦作伦或作紀說文 了何必三章按首章傳云統數也古者素絲以英聚

厚下笺云召南大夫召伯之屬正義云時未爲伯箋因 毛持曲度 一人民一 |委蛇委蛇傳云行可從迹也箋云委蛇委曲自得之兒| 曲釋委委也鄭用彼傳以釋委蛇者釋文云讀此兩 **句當作麥蛇麥蛇沈讀作麥麥蛇蛇據此則鄭亦讀** 君子偕老委委佗佗傳日委委行可委曲從迹也委 亦為從後稱之然行露序鄭所不信故鄭志云甘棠 作委委故用毛彼傳也 傳意或然 行露之序从後言之耳如正義說行露序召伯聽訟

序般其靍勸以義也召南之大夫遠行从政不遑寧處 威懷如是何此君子乃去此而從政于紂而不敢或 里喻文之威山出雲雨以潤天下喻文之德言文之 **遑乎其勤勞誠爲信厚之君子豈嘗念歸哉豈嘗念** 為異皆文王三分服事時詩也傳靁出地奮震驚百 閔其君子勉之以正同惟汝墳經有王室此言從政 其室家能閔其勤勞勸以義也此與汝墳序婦人能 之詩召伯自明言行露詩無召伯序亦不當稱召伯 其為衍文無疑惟此箋召伯從後言之正義說自當 也又張逸所未疑問如其從後稱之鄭志亦應有答 18

道其今兮傳云今急辭也迨其謂之傳云不待備禮也 之陽又喻其在外也則以首二句爲奉使又日召南 序傳不別恐未然也 大夫以王命施號介于四方下箋又云轉行遠外事; 歸哉傳意或當如此箋易傳日靁以喻號令于南山 奉王命施號令于四方與序从政相違正義述之與 于王所命之方其意以此詩為受命稱王之後大夫 所以蕃育人民也毛以此詩是二十之女故云然若 三十之男二十之女禮未償則不待禮會而行之者 摽有梅

毛詩紬義 首春梅子未有以首春熟者何不思乎又緣此傳斷 說文柟梅也梅柟也可食許于桃李桑奈之類俱直 必待仲春而行之也正義謂毛意必待仲春則時方 得為及時此詩梅熟春更向晚禮備亦可行若二十 毛以秋冬至首春爲婚之正時誤矣 男女之禮今女已二十雖迨而謂之不爲踰禮耳非 未備則不待禮會而行之者謂周禮本有仲春合會 之女則不待禮備故知毛意一春皆可行也其云禮 其少壯也喻女之少壯桃以仲春華之子于是時行 少壯之女則秋冬以至一春皆可行桃天傳日夭夭 多多

云可食其為別種無疑爾正釋木梅柟郭註日似杏 訓果此梅如爲和羹寔邁之梅則人人皆知何須更 皮葉似豫樟葉大如牛耳一頭尖赤心華赤黃子青 實酢那疏引詩秦風條梅証之又引艸木疏云梅樹 杏也郭非謂不可食但酢耳與說文合惟陸疏爲異 子似杏而酸引爾正梅柟即依郭註為說知耕亦似 不可食然則郭註正指柟梅玉篇柟字註云葉似桑 要皆非此詩之梅秦陳二風之梅毛傳皆訓柟此詩 知箋明言春夏意與毛同陸疏于此梅云杏類依傳 不訓柟惟云盛極則隋落者梅也其爲今之梅子可

冥命不同傳云寔是也命不得同于列位也箋云是其 毛詞科義 來者何猶日是人來也寔本訓是與實字別韓奕箋 容之書泰誓作是能容之春秋公羊桓五年傳云寔 禮命之數不同也正義不釋寔之爲是按禮記寔能 簽也此詩之梅果為今梅子則實之隋落在春末夏 是今之楊梅快云梅也爾正作英梅乃此詩之梅 已為別種叉有某字註云酸果也从木丛甘關此當 初知毛傳迨其謂之非欲待仲春禮會矣說文梅柳 **云實墉實壑實當作寔趙魏之東寔實同聲如鄭言** 小星 卷

|維參與昴傳云參伐也昴畱也正義云 伐亦爲大星與 皆互舉相見又云昴畱爲一參伐明亦爲一按傳以 得統参引孔演圖多以斬伐公羊傳伐為大長以明 参互見皆得相統引周禮熊旂六旒以象伐以明伐 集傳从韓詩 作實云有也與序知其命有貴賤合然則寔與實同 實不可以混寔特趙魏問聲同而誤耳然此詩韓詩 伐 副参以
留訓
昂耳史
記天官書云参下有三星
全 至于罰罰者言萬物氣奪可伐也春秋孔演圖日參 日罰爲斬艾事張守節正義日罰亦作伐律書云北

江有氾傳云與也決復入為氾箋云與者喻江水大氾 **丰詩納義** 水小然得並流似嫡媵宜俱行正義謂毛不以與夫 也 參之訓伐例之毛意亦當作稽 畱未必以二字為一 至于畱畱者言陽氣之稽畱也故曰畱漢書律厯志 以斬伐據此則毛以伐為斬伐不以伐為星也至昴 釋文音卯徐仙民音茅而史漢作畱史記律書云北 云畱孰于酉集韻引此詩作昴是昴畱本一字然以 江有氾 ***

人初過而後悔其與與鄭同按毛上云決而復入一

1 che / A chilliant with 1 1 有女懷春古士誘之傳云懷思也春不待秋也誘道也 意不過如此正義述經以貞女欲男以茅裹屬內為 為吉士者必先以此道之也道之卽指茅包屬肉傳 **渚上流岐分至下而合沱自江別流行百十里亦仍** 按詩言野屬包茅雖薄亦可為禮有女思及春而行 傳已足以明之故也 後悔傳意躍然下二章傳云水枝成渚沱江之別凡 入江取喻皆同于汜傳不言者渚沱人易曉且首章 其後也悔傳云嫡能自悔也正以水之復入喻初過 野有死魔

林有樸樕傳云樸樕小木也箋云樸樕之中及野有死 三 三五条三千 **鹿爾正釋木樕樸心郭註日槲椒別名孫炎日樸樕** 字說文作菱誘乃或體 無為思屬內矣非經意亦非毛意說詳標有梅篇誘 春思開春欲其以禮來若仲春則不待禮會而行之 矣又箋言仲春而經與傳但言春正義述傳謂此思 人道成之疾時無禮而言然正義與毛混而同之誤 菱意耳箋云有貞女思仲春以禮與男會吉士使媒 吉士先使媒人道成之不欲無媒妁而行一層此乃 禮而來一層旣欲其禮又欲其及時一層又欲今此

實一也詩釋文正義陸孔俱不言文別則唐初爾正 者以林有此木故言小木按傳言小木箋言樸樕之 中亦謂叢襍小木耳正義釋箋謂不言林而言樸樕 本作樸樕心也此詩正義以樸椒爲木名傳言小木 之中則林與樸樕為一以樸樕木名若一木不得有 以解之也愚謂釋木云樸枹者郭註云樸屬叢生者 說甚辨然旣以樸樕爲木名則于一木之疑仍未有 為枹詩所謂核樸枹櫟釋文引舍人註日樸者相追 死鹿若木衆卽是林矣明是謂林中有樸樕之處其 一名心那疏云召南林有樸樕此作楸樸文雖別其

白茅純束箋純讀如屯正義日純讀為屯者以純非東 毛詩紬義 純叉與屯通春秋左氏傳執孫蒯于純畱釋文云地 作讀為屯則改其字矣音義同者不煩改字 理志作屯畱是也純屯音義同故鄭云讀如屯正義 義俱同者戰國策錦繡千純高誘註日純音屯東也 也按漢儒讀若讀如之例有取其音同者有取其音 之義故讀爲屯取肉而裹束之故傳云純束猶包之 得言樸樕之中也 附也然則此詩樕是小木樸乃叢生追附之狀故箋 米卷一

|幸如桃李箋云華如桃李者與王姬與齊侯之子顏色| 王姬之車箋云曷何之往也何不敬和乎王姬往乘車 華不云喻色傳意蓋以華與車言車而王姬自見兩 有婦德則以桃華喻色桃實喻德甚明此詩唐棣之 傳意則不必然矣知者桃天次章云非但有華色又 也鄭以車不可言肅雍肅雍自繫王姬故訓之為往 之字皆作語助正義用箋述經殆誤以毛同于鄭也 **箋以華比華然後為與按唐棣桃李其華各別安得** 俱盛箋意以一桃一李喻王姬與齊侯之子耳正義 云直言華如桃李則唐棣之華如桃李之華也又謂

壹發五豝笺君射一發而異五豝者戰禽獸之命必戰 時言未發五豝已發卽不得復言五豝如經之言則 **箋義如此傳云虞人異五豝以待公之發此據未發** 之者仁心之至正義云五豝止一發中則殺一而已 章之華乃屬人說是華采之華郎桃天傳所謂華色 孫齊侯之子耳如此說自明快正義迂曲非箋意也 言何乎彼戎戎然華色之盛如桃如李也乃平王之 謂如桃李且桃李有華自足以與何須更假棣華此 騶虞 發而五犯猶存蓋雖發而不必中是乃仁如駒虞

有也 **叢聚也如說文則豝與豵皆豕之幼者序言庶類蕃** 能相把拏也豵生六月豚从豕從聲一曰一歲豵尙 仁君見之聊一發焉而不忍于必殺亦情事之所當 殖達 葭之間 自應大小俱備而 虞人 所異偶得豝豵 矣傳意或然說交云豝牝豕也从豕巴聲一曰一歲

邶 譜成王旣黜殷命殺武庚復伐三監更于此三國建諸 漢書地理志共縣故國北山洪水所出孟康日共伯 子孫稍并邶鄘當亦如之惟云三國並建究難據信 彼二國閔二年左氏傳共滕杜預註共及滕衞別邑 侯以殷餘民封康叔于衞使為之長後世子孫稱并 衛也古共城即今河南衛輝府之輝縣治據此鄭言 入爲三公者蓋其地逼近衞都故先爲國而後并于 **/**3611 **嘉應李黼平繡子著**

南及圃田之北境準驗地勢武父爲今直隸大名府 朝歌東及西南之衞地可知並無邶鄘即以詩言衛 有洪澳而邶日亦流于洪鄘日送我乎淇之上矣邶 汲縣縣西南為新鄉鄘城在焉當日封畛土畧止言 而得中牟中牟與河北之衞輝府汲縣相直都城在 之東明圃田爲今河南開封府之中牟東明迤西南 爲之長耳定四年左氏傳配能論衛始封云武父以 于河洪間書傳亦言以三監之民國康叔衞旣建國 **邶鄘不假立君當別立他小國如共凡之類而康权 那鄘之民旣遷洛邑復以六族分會其餘以封康权**

■ 日に出て、「田本美文 漕鄘日言至于漕書酒誥誥康叔日妹邦日妹土而 **沐實見鄘風如三國並建詩人自歌土風同一地名** 衛邑也凱風傳沒衛邑也泉水傳須漕衛邑也鄘桑 卽屬邶風爲鄘人在衞者所作卽屬鄘風載馳許穆 舊號以二邦之民已徙于衞其爲邶人在衞者所作 中傳沫衛邑干旄傳浚衞邑載馳傳漕衞東邑二風 爲今之滑縣地尤非邶鄘之所得言邶擊鼓毛傳漕 不得分屬三國或分二國且邶鄘在河北漕在河南 日在浚之下鄘日在浚之野邶日土國城漕思須與 所有地名毛皆以為衞邑以是知實無邶鄘詩特存

耿耿不寐如有隱憂傳日隱痛也正義謂如有痛疾之 以屬鄘二邦之民旣入于衞即為衞民復別之者殷 事實也 夫人作得屬鄘者或鄘人仕衞聘使于許而得之故 編詩亦從而國之或據地理志盡以其地封弟康叔 民亦此類也邶鄘非國本三監之始比于諸侯太師 民遷洛尚日庶殷共滕旣為衞邑尚別之爲共滕之 叉引季札開歌邶鄘衞言康叔武公之德以証之非 柏舟

憂是也按隱當作般文選阮籍詠懷詩云感物懷殷

四等相接 一人祭二 |微我無酒以敖以遊傳云非我無酒可以敖遊忘憂也 |亦有兄弟不可以據傳據依也兄弟二字無傳下逢彼 音隱隱與殷同 慇然痛也說文慇云痛也从心殷聲殷其靍釋文殷 爾正般般憂也邢疏引小雅正月憂心慇慇傳云慇 文選陶靖節穕詩云泛此忘憂物李善註引毛傳日 憂李善註引韓詩日耿耿不寐如有殷憂殷與慇同 非我無酒可以忘憂也無敖遊二字 之怒傳云彼彼兄弟如傳則經兄弟指人君言箋云 兄弟至親當相據依言亦有不相據依以爲如是者

綠衣黃裳箋婦人之服不殊衣裳上下同色正義逃經 17 11日以本二十 皆與見行本異今正義述經述箋兩言不殊裳則今 希耳如箋言則經之兄弟指他人言正義述經傳箋 本箋云不殊衣裳不得有衣字校書者誤據定本集 本集註皆云不殊衣裳凡正義引定本集註云云者 云言不殊裳者謂衣裳連連則色同故云同色也定 云鄭以婦人之服不殊裳禄衣當以黑爲裳又述箋 不別非也 絲衣

燕燕于飛傳燕燕鳦也正義引爾正釋鳥云傷周燕燕 毛诗油後 一个 化二 燕那疏云孫炎舍人以楊周燕燕鳦鳥一物三名郭 句燕鳦句蓋依說文說文云楊周燕也與孫炎舍人 所不取可証也正義釋傳據孫炎舍人則讀楊周燕 燕燕于飛一名元鳥齊人呼鳦是郭本依詩傳讀燕 涎涎以釋之何如徑依郭本爾正乎 說合然不可以釋傳之燕燕故又引漢童謠燕燕尾 日一名元鳥齊人呼鳦按郭爾正本燕燕註日詩云 四

其心塞淵傳云塞瘞淵深也釋文塞瘞於例反崔集註 遠送于南釋文云南如字沈云協句宜乃林反今謂古 |遠于將之傳將行也上章遠送于野傳云郊外日野此 林反非也 至南方有枝任也南與任音義同不煩協句沈音乃 人韻緩不煩改字按書大傳日南任也說文云南艸 矣正義都不言疏也 陳在衞南言欲送至于陳也傳意層次矛明此章箋 云將亦送也以上下俱言送此章不得獨別傳箋異 言自野而行將卽變說文行兒下章遠送于南傳云 - S 衛人殺州吁于濮而宣公立明年夏四月葬桓公四 之候詩所謂燕燕往飛矣子死身歸合哀自抑循以 戴媽之歸不知的在何年春秋桓四年二月戊申衞 州吁弑其君完杜註戊申三月十七日周三月爲今 本校書者依定本集註改之也塞說文作悉云實也 云塞極也俗本塞實也如正義說正依俗本作實今 月為今二月或葬後之月歸為今三月正春燕辭巢 外心塞省聲虞書日剛而寒與正義本毛傳同 本作實正義述經日其心誠實而深遠也又日定本 正月于時新經國亂州吁暴戾諒未得歸其年九月

胡能有定傳云胡何定止也傳訓定爲止蓋謂莊公其 序衞莊姜傷已也遭州吁之難傷已不見答于先君以 三言和意 矣陸說近是 不見答于先君以至困窮而作是詩則爲莊姜自作 以致困窮之詩者誤也陸孔各執一詞義皆可通然 正義述經日我夫人以詩為國人所作也若云傷己 俗本或作以至困窮而作是詩也誤正義日俗本作 至困窮之詩也釋文云以至困窮之詩也舊本皆爾 先君之思上勉女君温惠淑慎干載讀詩如見之也 日月 老二

以見之矣正義述之謂于衆事何能有定非毛意也 能定完亦非箋意據史記陳女女弟生完莊公命夫 州吁乃定之矣若猶未也階之為禍是公有欲立州 傳日公子州吁有龍而好兵公弗禁石碏諫日將立 爲安定之定正義云謂莊公不能定完者隱三年左 不我顧也四章皆言無有所止州吁之難當時先有 接及我者不如故處如此則何能有所止乎皆由曾 是完不爲太子也如正義說鄭以不爲太子卽是不 **吁之意故杜預云完雖為莊姜子然太子之位未定**

毛詩紬義 皆與序說合 字不同而推原禍本由于莊姜之不見答于莊公則 六年終致篡弑之禍以是爲不能定完耳傳變釋定 而州吁好兵龍而弗禁不能教以義方雖桓公立十 然繼立其位不可謂不定箋意蓋謂莊公不答莊姜 謂莊公眞欲立州吁為太子也當年莊公死桓公安 亦足明其爲嫡夫人之子石碏云云特故激莊公非 人齊女子之已立為太子卽如左傳莊姜以爲已子 終風 多卷二

惠然肯來傳云言時有順心也莫往莫來悠悠我思傳

願言則嚏傳吃路也箋云嚏讀當爲不敢嚏咳之嚏按 יייין בדויים אנדיניים 文引說文云蹇礙足不行與躓同說文躓跲也跲躓 然思下章則願以母道往加產跲而不行也正義乃 傲則無子道來事莊姜亦不得以母道往加故悠悠 謂州吁之暴非有順心肯來又謂莫往莫來母子恩 經文當作產字說文產云礙不行也从叀引而止之 絕失傳意矣 云人無子道以來事已已亦不得以母道往加之州 **叶弑逆自立當時入見莊姜卽是有順心惟謔浪笑** 也叀者如叀馬之鼻从止與牽同意爾正產跲也釋

序箋云伐鄭在魯隱四年按州吁于四年三月弑君是 王言和事 元老二 左氏傳往往表其將帥是年傳亦依經書人非此詩 年夏經書宋公陳侯蔡人衞人伐鄭春秋經書人者 看出深得毛意 訓跲也惟經文作意故箋云當讀爲嚏如作嚏鄭不 毛云願以母道往加之我則產跲而不行即從上傳 孰知有孫子仲哉叉左傳稱伐鄭圍其東門五日而 必败字矣今汲古閣本經文傳箋俱作嚔誤王肅述 也互相訓而躓字下引詩載躓其尾則產躓字同故 擊鼓

毛詩軸義 一个卷二 與子成說傳說數也王肅云言國人室家之志欲相與 離心夫于嗟濶遠不相生活不戰而何遽至是乎 為從軍之士所作左氏生二百年後蒐綴散亡以成 色主反說文云說說釋也數計也而門部閱字註云 **義駁之別述毛云共處契濶勤苦之中親莫是過當** 左氏以爲是役不戰特以民不得用雖未對敵亦有 與子危難相数成其軍伍之數按釋文云說音悅數 紀載固宜其事多失實目見之與耳開異也正義據 還而此詩喪馬求林離散澗洵之狀千載如見蓋詩 从生至死契濶勤苦而不相離相與成男女之數正

于嗟洵兮傳云洵遠也釋文洵呼縣反本或作詢誤也 洵字也大雅桑柔其下侯旬毛傳云陰均也與爾 說文俱無去聲一讀廣韻去聲亦不收洵字疑詩非 水温為**創說文洵過中水也字林日過水也玉篇**依 詢音荀洵之訓達正義不言爾正洵均也龕也又釋 失之孔亦未為得也 勤苦之情與子具數惟願執子之手俱得生存以至 字是說訓說釋亦訓數具數猶成說也毛意言死生 于老耳若云成男女之數軍伍之數乃是去聲王固 具數于門中也从門說省聲具數二字即釋門中說 在浚之下傳云浚衞邑也正義日干旄云在浚之都傳 音黃絢切惟旬訓目搖也音同義異論語素以爲絢 **夐亦遠也說文夐徐音朽正切玉篇夐詡政霍見** 釋文音呼縣反玉篇云絢遠也釋文云洵韓詩作童 切云深遠也霍見呼縣二切一也夐與絢音義皆同 洵訓合是毛以旬同于洵旬本从目作旬說文旬徐 經誤改耳 故毛為絢韓為夐然則洵字當作絢釋文原本應云 呼縣切本或作洵誤也洵音荀令本釋文校書者依 凱風

睍睆黃鳥載好其音箋云睍睆以喻顏色悅也好其音 鳥韓詩註云文貌王元長曲水序云亂新聲于綿羽 非以綿蠻爲聲昌黎祖其意亦謂逼耳鳴黃鳥非以 **黎贈張籍云喜氣排冬温逼耳鳴睍睆或據以謂唐** 睍睆爲聲也 人說此詩亦有以睍睆為黃鳥之聲者非也綿蠻黃 **香與其詞命順也以言七子不能如也箋義當矣昌** 俱言衞邑如正義則以此詩所指是干旄之浚不思 日下邑日都是衞邑也按毛邯鄘不分故此與干旄 干旄為鄘國耶餘見前

序云刺衞宣公也淫亂不恤國事軍旅數起大夫久役 男女怨曠國人患之而作是詩正義謂上二章男曠 之詞下二章女怨之詞望箋而爲說也今按我之懷 鼓其異泄泄然宜公之行如是我之見軍旅數起甚 旅久役不得歸此自遺以是患難懷字毛無傳終風 矣自貽伊阻箋云懷安也我安其朝而不去今從軍 隱十年又與朱蔡伐戴不和而敗傳言雄雉見雌雉 是患難之難宣公卽位之初以燕師伐鄭為鄭所敗 傳云懷傷也此亦當訓傷傳訓阻爲難釋文乃旦反 雄雉

三年五年

1 × · · ·

干計科事 字應此章蓋言國人患之作詩之意也傳意或當然 德行乎不疾害不求備卽無爲不善矣國人欲在位 者告宣公以不忮不求乃無喪敗之難臧字正與阻 字云忮害臧善也當指在位者言百爾君子豈不知 來經文自明蓋言男女怨曠也四章傳惟解忮臧二 謂以君之行愬于君子也毛惟訓展為誠君子當指 心也此章蓋言大夫久役也三章道之云遠曷云能 大夫言宣公之行如是誠矣此行役之君子實勞我 傷矣亦君自貽此喪敗之難耳此章蓋言軍旅數起 也次章展矣君子箋云誠矣君子愬于君子也正義 一人名二 一日はずる日子が |濟盈不濡軌正義辨軌當為朝最為詳核戴記少儀云| 祭左右軌范乃飮鄭註云周禮大馭祭兩軹祭軓乃 前也書或作軌元謂軌是軌法也鄭于少儀朝人俱 飲軌與軹于車同謂雙頭也帆與范聲同謂軾前也 辨軌之非軌此傳云由輈以上為軌箋云渡深水者 周禮輈人云朝前十尺

而策半之鄭司農云朝謂軾 戎傳云陰掩軓也箋云掩軓在軾前垂輈上今傳云 必濡其軌不易傳者以傳言由輈以上足以明之小 輈上自然是帆若為車轍則傳當言輈下矣釋文云 匏有苦葉

離雖鳴雁箋云雁者隨陽而處似婦人从夫正義日此 猶濡乃見渡之深矣 輸之半亦不足以見水深此經字从軌而義讀軌軌 軹于車同謂轆頭是也又為車軾前鄭司農周禮註 有三義車轍是其本訓又為車聽頭鄭少儀註軌與 解謂軌為櫘頭非是當以軹為櫘頭也然則古者軌 皆陰陽並言禹貢註云陽鳥鴻雁之屬隨陽氣南北 軓書或作軌及此經是也轍不可以言濡轗頭僅居 軌舊龜美反謂車轗頭也依傳意宜音犯從鄭軌與 軹俱爲驀頭之說也又云車辯頭所謂軹陸意以舊 7

旭日始旦釋文云旭許玉反說文讀若好按爾正釋訓 本說文云讀若最弱與畜同戴記引詩先君之思以 之意故不言陰耳定本云鴈隨陽無陰字如正義言 旭旭憍也那疏云郭璞作好好是旭與好音義同今 也然箋云隨陽而處似婦人外夫則無陰字爲是 則箋本作隨陰陽而處今本乃校書者依定本改之 隨陽而往居之故經云陽鳥攸居註釋其名曰陽鳥 不言陰者以其彭蠡之澤近南恒暖鴻雁之屬避寒 **朂畜好四字並通毛傳云旭日始出謂大昕之時昬 朂寨人作以畜寨人孟子日畜君者好君也然則旭** 十二

姜獨否又伋者夷姜子二子乘舟正義亦畧而不及 亦通 謂夷姜鄭據桓十六年左傳為說序與傳未嘗言也 正義于鄭引左傳必援某公某年傳文以釋之此兩 雄雉序下笺云烝于夷姜之等此詩序下箋云夫人 中後時漸向暖故云暖日徐蓋望冰泮句爲解也義 無暄字廣韻註云暖也下經云追冰未泮則是正月 毛以大昕釋之釋文引徐音許袁反則讀若暄說文 禮用昕說文云盺日將出也而此經云旭日始旦故 **始以左氏傳不足據也史記衞世家云初宣公愛**

當指宣公夫人言綠衣序云妾上僭燕燕序云送歸 是莊公之妾序豈得以夫人目之今云公與夫人竝 妾序于嫡妾之辨甚嚴若此序夫人是宜公庶毋則 後乃易之左氏所謂烝亦即史記所謂愛耳孔奉詔 節諸人亦未引左傳上烝事註之如史記夷姜乃宣 公夫人而左氏言上烝者詩東山烝在栗薪鄭箋云 上烝之事終未肯一置詞也至序與傳不斥夷姜亦 作疏以鄭爲主故述箋亦順言夷姜而于桓十六年 烝塵也塵有久義言宣公之情恒久于夷姜級伋妻 夫人夷姜夷姜生子伋以爲太子裴駰司馬禎張守

色寺由矣

所以潔汚穢反于河上而為淫昬之行與此傳相應 **毛意如此不得同鄭為夷姜為宣公上烝父妾也** 淫後二章陳昬姻正禮刺宣公之淫也新臺傳云水 公有淫昬之行正指納伋妻事蓋上二章刺夫人之 **昬之行兩人字正指他人卽經所謂雉鳴求牡至宣** 娶伋妻是謂竝為淫亂也毛傳云衞夫人有淫佚之 爲淫亂則是敵體之詞言夫人淫于他人而宣公亦 志授人以色假人以訶不顧禮義之難至宣公有淫 谷風 - A

序云衞人化其上淫于新唇而棄其舊室此必衞君有

事而序乃云衞人化之益可証匏有苦葉序公與夫 舊室也正義于匏有苦葉之夫人从箋作夷姜故于 新唇之事宣公要納伋妻是淫于新唇無棄舊室之 句清釋下句說文湜水清底見也與毛傳合傳以運 此序不言化其上者為何公也 清猶新舊相并而惡者自惡善者自善柰何以新昬 喻新唇渭喻舊室言涇渭相入而濁者自濁清者自 人並為淫亂為宣公夫人有夫人而娶子妻卽為棄 淫新棄舊者民乃从而效之莊公不答莊姜而已無 [**//** ...

三詩絲讀 有渭故見其濁如正義則箋中見渭正作見謂如定 先述涇水之意涇水言以有渭故人見謂已濁猶婦 本則作見其二說俱明順釋文云云當是誤倒其字 殊正義以箋述毛誤也釋文云故見渭濁舊本如此 人言以有新昬故人見謂已惡也又云定本涇水以 初 提持正貌喻君子得新唇故謂已惡也已之持正守 之故而不潔用我也箋云涇水以有渭故見渭濁提 一本渭作謂後人改耳正義云箋將述婦人之心故 如沚然不動搖箋以涇喻舊室渭喻新昬與傳逈 灰 第二 · 上等有数 ... 」■ 65.1.1 昔育恐育鞘傳有長鞠窮也上育字及下旣生旣育毛 不我能愔傳慉養也正義云徧檢諸本皆云慉養孫毓 六切恨也叉許六切與也與字正用毛傳說文云慉 文本乃作愔興又云養是王義則陸本孔亦未見陸 引傳云慉與非也釋文云慉許六反毛與也鄭騎也 博士陳時人厯隋至唐當據陳時詩本玉篇云慉五 起也與與義近不能作興我反以我為鮮與鄭騎義 王肅養也說文起也如正義諸本皆作愔養何以釋 亦通也今本釋文與作與也誤 無別訓則皆訓長蓋言昔長育之時恐所育者至于 十五元

序云黎倭寓于衞其臣勸以歸也旄邱序云秋人迫死 地三也服虔日黎侯之國此詩之作責衛宜公宣公 黎侯黎侯寓于衞正義曰狄者北夷之號此不斥其 國宣十五年左傳伯宗數赤狄路氏之罪云奪秦氏 以魯桓十二年卒至魯宣十五年百有餘歲即此時 長老皆易傳也正義以鄭義述毛恐非傳意 育箋云育謂長老也鄭以昔育為幼稚育鞠既育爲 雅也及與也告幼稚之時恐至長老窮匱下既生旣 窮匱故及爾顯覆盡力皆指財業言也變云昔育實 式微 毛詩組装 地耳與此不同彼奪地是赤狄此唯言狄人迫逐不 雖為狄所逐後更復其國至宣公之世乃赤狄奪其 必是赤狄也云云按宣十五年左傳晉師滅赤狄路 黎侯之故地也推尋事迹當日黎侯被逐東寓于衛 狄卽旄邱序之狄也伯宗數酆舒之罪云奪黎氏地 趙宣子使因賈季問酆舒且讓之然則赤狄之先卽 氏云酆舒為政而文七年狄侵脅傳云公使告于晉 黎侯而還立者新立君之詞然則傳云黎氏地卽詩 狄亦旋去不能即有其地迨魯宣三年分爲赤狄路 不云追逐其君是年秋晉侯治兵于稷以畧狄土立

何其處也必有與也傳言與仁義也箋云我君何以處 狐裘蒙戎釋文云蒙如字徐武邦反戎如字徐如容反 于此乎必以衞有仁義之道故也鄭以與爲以明與 賴詩序而知之矣 年晉滅赤狄乃求黎氏子孫而立之耳詩之黎侯當 此詩黎侯寓衞當衞宣之時則隱桓之世已有狄惠 氏最强酆舒為政乃始攘其故地而有之至宣十五 毛異正義强而同之非也 日實未歸也狄于魯莊三十二年伐邢始見于經據 旄邱

| 瑣兮尾兮流離之子傳瑣尾少好之皃流離鳥也少好| 定本偷樂作愉樂如正義則傳本作偷樂故述毛 苟且為樂不圖納我爾無德以治國家終必徵弱也 豈左傳本亦有作蒙戎者與抑校刊註疏者誤爲與 **蒙戎正義引左傳及杜預註亦直作紫戎不言字異** 長醜始而愉樂終以微弱正義釋傳云汝等今好而 史記晉世家作紫茸知字通也 者字通此詩徐仙民讀作尨茸而左傳釋文云尨莫 叉云徐此音是依左傳讀作厖茸按貌狀之詞音同 **f**

醜為鷗鶏郭註日鸇鶏循畱離詩所謂畱離之子亦 鳥畱聲木部梟云不孝鳥也日至捕梟傑之从鳥頭 在木上初無梟即鷗離之說爾正釋鳥云鳥少美長 孝鳥是也按說交鳥部鷗云鳥少美長賴為鸝離从 **適長大還食其母故張與云鷗鶏食母許慎云梟不** 正義引陸璣疏流雕梟也自關西謂梟為流離其子 好而苟且爲樂則不詞矣作愉為是釋文本亦作愉 偷樂貼少好言今好而愉樂終必徵弱如正義云仝 **愉傳云脈樂也箋云楡讀日偸則偷偷本通然毛以** 苟且為樂校書者據定本改之耳按山有櫃他人是

簡母簡兮方將萬舞傳簡大也方四方也將行也以干 巴寺由後 一卷二 非毛旨 侯云碩人大德也侯侯容見大也則首章簡大不指 之服而不能稱耳非言性有好聽也正義用陸疏恐 不言是臭毛云好醜以貌言喻衛大夫有髮然尊虚 羽為萬舞用之宗廟山川故言于四方毛于碩人俣 行此干羽之大舞初學記引韓詩萬大舞也與毛養 人言當爲大合樂之大言大兮大兮于祭四方山川 同正義云有大德之人今大德之人今祭山川之時 簡分

1.1 CA 萬爲舞宣八年經萬入去籥猶言舞人去籥耳萬是 總名干羽得兼也正義引孫號評以毛爲失故云萬 尹子元欲蠱文夫人爲館于其宮側而振萬焉昭一 舞為干舞而左氏則不必然矣莊二十八年傳楚令 舞并兼干羽則碩人故能鰲舞也下二章論碩人之 十五年傳禘于襄公萬者二人其衆萬于季氏皆以 日籥者何籥舞萬者何干舞鄭依而用之故箋以萬 也萬者舞之總名春秋宣八年經萬入去篇公羊傳 乃使之于四方行在萬舞之位即以大德言非毛意 **才藝無為復言左手執籍右手秉翟也不知舞兼于**

左手執衛右手秉翟正義日言其能而已非碩人實爲 毛持曲矣 文籥舞為武故言道備亦非虛擬之詞而孔云云兩 首章為仕于伶官二章言多才多藝卒章言宜爲王 乃是鄭義毛無此意不足以相難也 臣故云然按毛萬舞兼干羽則籥翟身自執之箋云 失傳箋之意 碩人多才多藝又能籥舞言文武道備鄭以干舞爲 之也何者此章主美其文德不論其在職之事孔以 羽何止一人自可他人舞干碩人舞羽且多才多藝

些彼泉水傳泉水始出

些然流也釋文

云說文作

够云 **毖涌而自浪李善註引說文日泌水駃流也必與毖 本作毖非說文泌字下云俠流也文選魏都賦温泉** 同玉篇云水狹流廣韻入聲兩收一云泌瀄水流 水也如孔說則正義經本亦作必故不言字異也今 水也此經作泌故彼傳得引而釋之正義日以此連 作泌知毛作傳時亦作泌衡門泌之洋洋傳云泌泉 云泉水知為始出些然流也是以衡門傳亦云泌泉 彼泉水是說文作泌不作敗釋文誤也如說文引詩 直視也按說文恥云直視也人目必聲讀若詩云泌 アオニ

問我諸姑遂及伯姊正義日我之嚮衞爲覲問諸姑伯 出宿于干飲餞于言傳干言所適國郊也上章正義日 車疾至于衛而返于行無過差有何不可而止我因 熟當選註引說交馱流駃卽快字毛以必爲泉水訓 經言不瑕有害故云然此章方思問諸姑伯姊遽用 洋洋為廣大其流快疾可知今本說交俠流當依選 姊而已豈爲犯禮也哉而止我也按下章箋云我還 註作駛流爲其與毛義合也 下箋說之誤也 云水浹流去聲註則云流兒俠狹浹三字相近未知

我思肥泉傳所出同所歸異為肥泉與爾正釋水合水 溝水出朝歌西北大嶺下為異出之証合流注洪水 邑正以歸寧不得極寫懷思毛不指言何水鄭亦止 首章泉水流洪爲女子出嫁諸侯之喻此章思泉思 爲同流之証遂斷以爲肥泉如酈說肥泉注淇乃是 與毛傳相反而勵氏从之以馬溝水出朝歌城北美 經淇水篇註引犍爲舍人日水異出流行合同日肥 得同處言衍字耳定本集註皆云干所適國郊如孔 云云則作正義時經本傳無言字合本有言字當刪 下傳或兼干言所適國郊者一郊不得二地宿餞不 光二

停北門刺仕不得志也正義日謂衞君之闇不知士有 毛持衛度 一个年一 王事教我政事一埤遺我傳敦厚遺加也簽云敦猾投 才能不與厚祿使之困苦不得其志故刺之也又云 擲也正義日箋以役事與之無所爲厚也且上云適 文傳箋及序下箋並無一言及士者不可解也 我此亦宜為之已之義故易傳以爲投擲于已也按 言士者有德行之稱如孔說則序仕字當作士然經 傳所謂厚非厚意之厚言以役事重疊與之也上 言自衞而來所渡水故思此而長歎毛鄭說當矣 北門

其虛其邪旣亟只且傳虛虛也亟急也正義引爾正釋 雨雪其雱說文雱乃旁之籀文旁云鴻也文選雪賦註 Alle the Birth 11. 傳訓敦爲厚乃是培敦之意正義誤矣 厚也从冔从厂培字下云培敦土田山川也據此則 訓及孫炎說而斷之云然則虛徐者謙虛閑徐之義 文學厚也从反百徐鍇日百者進上也以進上之具 埤厚也賦稅之事減彼益此且得言厚與此正同說| 反之于下則厚也此厚意之厚說文又云厚山陵之 北風 停靜女刺時也衞君無道夫人無德不言爲何公之夫 非訓虛爲徐如孔說則正義本傳文是虛徐也釋文 非訓虛爲徐以釋文本例之毛傳原本當是虛虛也 故箋云威儀虛徐寬仁者也但傳質討訓疊經文耳 其虛徐兮曹大家註引詩日共虛其徐是漢以前詩 邪徐也毛亦非訓邪爲徐言邪徐一耳故箋申之云 云虚虚也一本作虛徐也孔據虛徐本為正義故云 邪讀如徐釋訓云其虛其徐文選幽通賦云承靈訓 有作徐者非止音義同字亦通也 靜女

於肝則縣

彤管有煒說懌女美傳煒赤兒彤管以赤心正人也箋 夫人叉娶于陳日厲媽則宣公再娶叉何怪也特要 說懌當作說釋赤管煒煒然女史以之說釋妃妾之 子妻尤為無道耳 姜未來則為宣公嫡夫人無疑古者諸侯不再娶然 秋之前已不能如禮衞之先世如莊公娶莊姜爲嫡 曾惠公元 如孟子卒復娶宋武公女仲子為夫人春 **公與夫人竝為淫亂詞意相同而詩在新臺之上宜** 為宣公嫡夫人此序云衞君無道夫人無德與彼序 人傳箋正義亦畧無一言及之向疑匏有苦葉夫人 靜女故以說釋如妾之德申傳非易傳也正義云嘉 猶女史赤心正陳人之德而美之箋以傳人字|不指| 德美之按傳赤心正人訓次句言此彤管煒煒然亦 嘉彤管之煒煒然喜樂其成女美也|不知說文無懌| 善此彤管之狀有煒煒然而喜樂其能成女德之美 傳叉云必以赤者欲使女史以赤心正人謂赤心事 字心部新附字有之徐氏云經典通用釋然則懌字 以經女美指靜女乃是王肅之義肅好與鄭異故云 因靜女能循彤管之法故又悅美彤管之能成靜女 **本當作釋王肅讀為說懌而孔亦從之非也正義釋**

手詞解棄 遼條不鮮鮮字毛無傳箋云善也上傳云水所以深汚 | 戸刺衞宣公也納伋之妻作新臺于河上而要之國人 與說懌女美全相戾矣 夫人而正如妾之次序也如正養膽言則赤心正人 穢反于河上而爲淫昬之行毛意以河之絜喻得宜 所立至是躬爲淫昬之行民始失望矣序詩者本國 年經書衞人立晉左氏傳衞人立晉衆也宣公國人 惡之而作是詩也詩一人作而言國人者春秋朽五 人之意而衆著之其垂戒者深矣 新臺 卷

毛诗油美 新臺有洒河水浼浼傳洒高峻也正義不釋洒之何以 訓爲高峻爾正釋邱云望厓洒而高岸郭璞註日 之間聲近斯是鮮可讀斯與上泚瀰協也 有冤斯首箋云斯白也今俗語斯白之字作鮮齊魯 云依鄭叉音仙也正義用王肅少也之訓述之恐非 公之不絜則鮮當為鮮潔之鮮與鄭義近是以釋文 亦然故傳訓爲高峻與爾正合釋文云酒七罪反韓 深非也爾正言酒而高則洒為兒狀之詞夷上酒下 水邊洒水深也視厓峻而水深者日岸郭以洒爲水 毛意鮮有斯音說交雨部羼从雨鮮聲讀若斯小 7、6 雅

願言思子中心養養傳願每也養養然憂不知所定箋 養然不知所定按序言國人傷而思之傳訓願爲每 我國人傷之每有所言思此二子則中心爲之憂養 衆詞也言字亦當如箋爲我蓋述國人之意言每我 云願念也念我思此二子 心為之憂養養然正義日 釋文蘇典反與浼殄協玉篇浼亡旦切 說交玉篇廣韻洒俱無七罪反一音也洒當依爾正 罪切依說文韓詩之准當作學釋文殆以韓音讀毛 詩作漼云鮮兒音同說文漼深也濞新也徐音俱七 二子乘舟

殺太子伋代立至于懿公常欲敗之卒滅惠公之後 公之立也百姓大臣皆不服自懿公父惠公朔之讒 极乃作亂攻惠公立太子仮之弟黔牟爲君叉云懿 之立也惠公四年左右公子怨惠公之讒殺前太子 世家宣公卒太子朔立是為惠公左右公子不平朔 同母弟二人其一日黔牟黔牟甞代惠公爲君八年 仮之後仮子又死而代仮死者子壽又無子太子<u>仮</u> 而更立點牟之弟昭伯頑之子申爲君是爲戴公又 思子則養養然憂不知所定定指衛事言也史記衞 云初程殺懿公也國人憐之思復立宣公前死太子

毛詩和華 養然憂不知所定者也箋云爲之憂則爲二子憂而 已正義謂鄭惟願言句爲異餘皆合而述之疏矣 文公立而後定此詩述二子初死時事毛傳所謂養 公卒衞人必欲立二子之後下逮閉二年垂四十年 公備摹二子死後國人傷思之事蓋自桓十二年宣 申爲戴公戴公卒復立其弟燬爲文公文公初立輕 復去其二日昭伯昭伯黔牟皆已前死故立昭伯子 賦平罪身自勞與百姓同苦以收衞民云云此太史